



2025 yil « 21 » fevral

№ 15 i

БУЙРУҚ

"Жиззах вилоят Санитария-эпидемиологик осойишталик ва жамоат саломатлиги бошқармаси ҳамда ҳудудий бўлимлари томонидан одоб-ахлоқ қоидаларига риоя этилишини таъминлаш тўғрисида"

Ўзбекистон Республикаси Вазирлар Маҳкамасининг 2022 йил 14 октябрдаги "Давлат фуқаролик хизматчилари томонидан одоб-ахлоқ қоидаларига риоя этилишини таъминлаш бўйича қўшимча чора-тадбирлар тўғрисида"ги 595-сонли, вилоят ҳокимлигининг 2022 йил 20 октябрдаги 559-33-0-Қ/22-сонли қарорлари талабларидан келиб чиқиб, ходимларнинг хизмат фаолиятида ва хизматдан ташқари ҳолатларда одоб-ахлоқини, жамоатчилик билан муносабатларда амалдаги қоидаларга риоя этилишини, уларнинг кийиниш меъёрларини белгилаш, шунингдек, деонтологик нуқтан назардан соғлом, маънавий, ижтимоий-психологик муҳитнинг барқарорлигини таъминлаш, касбга нисбатан ва ўзаро ҳурмат муносабатларини мустаҳкамлаш мақсадида,

БУЮРАМАН:

1. Ўзбекистон Республикаси Вазирлар Маҳкамасининг 2022 йил 14 октябрдаги "Давлат фуқаролик хизматчилари томонидан одоб-ахлоқ қоидаларига риоя этилишини таъминлаш бўйича қўшимча чора-тадбирлар тўғрисида"ги 595-сонли қарори раҳбарлик ва ижро учун қабул қилинсин.

2. Қўйидагилар:

- Одоб-ахлоқ комиссияси (кейинги ўринларда Комиссия деб юритилади) таркиби 1-иловага мувофиқ;

- Одоб-ахлоқ комиссияси тўғрисидаги низом 2-иловага мувофиқ;

- Ходимларнинг одоб-ахлоқ қоидалари 3-иловага мувофиқ тасдиқлансин.

3. Комиссия раиси (М.Муҳитдинова):

Ходимлар орасида хизмат фаолиятларига оид ва хизматдан ташқаридаги одоб-ахлоқ, жамоатчилик билан муносабатларга доир қоидаларига риоя этилиши, уларнинг кийиниш меъёрлари билан таништириш, шунингдек, деонтологик нуқтан назаридан соғлом, маънавий, ижтимоий-психологик муҳитнинг барқарорлигини таъминлаш, касбга нисбатан ва ўзаро ҳурмат муносабатларини мустаҳкамлаш юзасидан мунтазам равишда тушунтириш ишлари олиб бурсин;

Ходимлар томонидан одоб-ахлоқ қоидаларига, хизмат фаолиятига оид ва хизматдан ташқаридаги одоб-ахлоқ, жамоатчилик билан муносабатларга доир қоидаларига, уларнинг кийиниш меъёрларига риоя етмаслик ҳолатлари

аниқланган ҳолларда уларнинг сабабларини аниқлаб, ижобий ечими бўйича раҳбариятга таклифлар киритиб борсин.

4. Санитария-эпидемиологик жсжйишталик ва жамоат саломатлиги қўмитаси Жиззах вилоят бошқармаси туман (шаҳар) бўлимлари раҳбарлари ўз фаолияти хусусиятларини ҳисобига олган ҳолда:

а) одоб-ахлоқ қоидалари асосида таркибий бўлинмалар ходимларнинг идоравий одоб-ахлоқ қоидаларини;

б) ички меҳнат тартиб-қоидаларини ва бошқа идоравий ҳужжатларни Ўзбекистон Республикаси Вазирлар Маҳкамасининг 2022 йил 14 октябрдаги Давлат фуқаролик хизматчилари томонидан одоб-ахлоқ қоидаларига риоя этилишини таъминлаш бўйича қўшимча чора-тадбирлар тўғрисида”ги 595-сонли қарорига мувофиқлаштирилсин.

в) одоб-ахлоқ қоидалари талабларининг бузилиши қонун ҳужжатларига мувофиқ интизомий ва бошқа турдаги жавобгарликка тортиш учун асос ҳисобланиши белгиланганлиги ижро учун қабул қилинсин.

4. Мазкур буйруқ ижроси юзасидан назорат бошлиқнинг биринчи ўринбосари М.Мухитдинова зиммасига юклатилсин.

Бошқарма бошлиғи



К.У.Убайдуллаев

Санэпидкўмита Жиззах вилоят
бошқармасининг 2025 йил 21.02 даги
152 -сонли буйруғига
1-илова

Вилоят Санитария-эпидемиологик осойишталик ва жамоат саломатлиги бошқармаси

Одоб-ахлоқ комиссияси таркиби

1	Мухитдинова Миннигул Аскаровна	Бошқарма бошлигининг 1-ўринбосари, комиссия раиси
2	Абдураимов Шукурулла Абдурахмонович	Бошқарма КУҚ раиси, комиссия раиси ўринбосари
Аъзолари		
3	Умаркулов Шухрат Раҳмонович	Бошқарма Коррупцияга қарши курашиш ички назорат шўбаси раҳбари
4	Музаффаров Елёр Ҳасанович	Бошқарма бошлиғи ўринбосари
5	Ибрагимов Ҳасан Абдуғаффорович	Юристконсулт
6	Камолов Нуриддин Икромович	Кадрлар бўлими бошлиғи
7	Юлдашева Махфуза Ғолибжоновна	Ташкилий назорат ва ахборот-таҳлил бўлими бошлиғи, комиссия котиби

Санитария-эпидемиологик осойишталик ва жамоат саломатлиги кўмитаси
Жиззах вилоят бошқармасининг Одоб-ахлоқ комиссияси тўғрисидаги

НАМУНАВИЙ НИЗОМ

1- боб. Умумий қоидалар

1. Ушбу Низом Санитария-эпидемиологик осойишталик ва жамоат саломатлиги бошқармасида (кейинги ўринларда - санитария-эпидемиология бошқармаси) одоб-ахлоқ комиссияси (кейинги ўринларда - комиссия) фаолиятини тартибга солади.

2. Комиссия санитария-эпидемиология бошқармаси ходимлари (кейинги ўринларда ходимлар) томонидан одоб-ахлоқ қоидаларига риоя этилишини назорат қилиш, уларнинг ахлоқ нормаларига зид бўлган хатти-харакатларининг олдини олиш ва одоб-ахлоқ қоидаларига риоя этиш билан боғлиқ низоларни кўриб чиқиш мақсадида тузилади.

3. Комиссия фаолияти Ўзбекистон Республикасининг Конституцияси ва қонунларига, Давлат фуқаролик хизмати тўғрисидаги Ўзбекистон Республикасининг Қонунига, Ўзбекистон Республикаси Олий Мажлиси палатасининг қарорларига, Ўзбекистон Республикаси Президентининг қарорлари, қарор ва фармойишларига, Ўзбекистон Республикаси Вазирлар Маҳкамасининг 2022 йил 14 октябрдаги "Давлат фуқаролик хизматчилари томонидан одоб-ахлоқ қоидаларига риоя этилишини таъминлаш бўйича қўшимча чора-тадбирлар тўғрисида"ги 595-сонли қарори, Ўзбекистон Республикаси давлат хизматчилари одоб-ахлоқи қоидаларига, ушбу низомга ва бошқа қонунчилик ҳужжатларига мувофиқ амалга оширилади.

4. Комиссия, Комиссия раиси, котиби ва аъзоларидан иборат бўлиб, умумий сони беш нафардан кам бўлмаслиги ва тоқ сонда бўлиши лозим.

Комиссия таркибига тажрибали, меҳнатсевар, жамоада обрў-эътиборга сазовор бўлган давлат хизматчилари киритилади.

Комиссия таркиби Санитария-эпидемиологик осойишталик ва жамоат саломатлиги бошқармасининг раҳбари қарори билан тасдиқланади ва доимий равишда фаолият юритади.

Комиссия таркибига комиссия томонидан қабул қилинадиган қарорларга таъсир кўрсатиш мумкин бўлган манфаатлар тўқнашуви эҳтимолини назарда тутган ҳолда ўзгартириш киритилади.

2.боб. Комиссиянинг асосий вазифалари ва функциялари

5. Комиссиянинг асосий вазифалари қўйидагилардан иборат:

санитария - эпидемиология бошқармаси ходимларининг одоб-ахлоқ қоидаларини ишлаб чиқиш;

санитария - эпидемиология бошқармаси ходимлари томонидан одоб-ахлоқ қоидаларига риоя этилиши масалаларини кўриб чиқиш, хизмат текширувларини ўтказиш;

санитария - эпидемиология бошқармаси ходимлари ўртасида ахлоқ нормаларига зид бўлган хатти-харакатларнинг олдини олишга қаратилган комплекс чора-тадбирларни амалга ошириш;

жисмоний ва юридик шахсларнинг бошқарма ходимларининг хатти-харакатларига доир муурожаатларини кўриб чиқиш;

санитария - эпидемиология бошқармаси ходимларининг шаъни ва кадр-қимматини ҳимоя қилиш билан боғлиқ масалаларни кўриб чиқиш;

санитария - эпидемиология бошқармаси ходимларининг одоб-ахлоқ қоидаларини тақомиллаштириш юзасидан таклифлар ишлаб чиқиш;

санитария - эпидемиология бошқармаси ходимлари томонидан одоб-ахлоқ қоидаларига риоя этиш ҳолатларини таҳлил қилиш, натижалари ҳақида раҳбар ва жамоатчиликни хабардор қилиб бориш.

6. Комиссия ўз ваколатлари доирасида:

санитария - эпидемиология бошқармаси ходимлари томонидан одоб-ахлоқ қоидаларига риоя қилиши устидан назоратни амалга оширади;

санитария - эпидемиология бошқармаси ходимлари томонидан одоб-ахлоқ қоидаларининг бузилиши билан боғлиқ масалалар юзасидан хулосалар тайёрлайди;

санитария - эпидемиология бошқармаси ходимларининг одоб-ахлоқ қоидалари билан боғлиқ масалаларини кўриб чиқиш жараёнида зарур ахборотларни сўраб олади;

кўриб чиқиш учун киритилган масалаларни ҳал этиш учун Комиссия мажлисларига экспертлар ва мутахассисларни жалб қилади;

одоб-ахлоқ қоидаларига оид масалалар юзасидан Санитария - эпидемиология бошқармаси ходимларига тегишли маслаҳат ва тушунтиришлар беради;

зарур ҳолларда, Комиссияда кўриб чиқилган масалалар бўйича Санитария - эпидемиология бошқармаси ходимини интизомий жавобгарликка тортиш юзасидан раҳбарга таклиф киритади;

7. Комиссия Санитария - эпидемиология бошқармасининг таркибий бўлинмалари, бошқа давлат орган ва ташкилотлар, мансабдор шахслар ва жамоатчилик билан ҳамкорлик қилади.

8. Комиссия фаолиятини ташкил қилиш ва Санитария - эпидемиология бошқармаси ходимлари томонидан одоб-ахлоқ қоидаларини бузилиши билан боғлиқ масалаларни кўриб чиқиш ушбу низомга иловада келтирилган схемага мувофиқ амалга оширилади.

3-боб. Комиссия фаолиятини ташкил этиш

9. Комиссия мажлислари заруратга қараб ўтказилади. Комиссия мажлислари очик тарзда ўтказилади. Зарур бўлган ҳолларда Комиссия ёпик мажлис ўтказиш тўғрисида қарор қабул қилиши мумкин.

10. Комиссия мажлисини Комиссия раиси, комиссия раиси йўқлигида эса, унинг топшириғига биноан комиссия аъзоларидан бири олиб боради. Комиссия мажлисида баённома юритилади. у раислик қилувчи ва комиссия котиби томонидан имзоланади.

11. Комиссия мажлислари, агар уларда комиссия аъзолари умумий сонининг камида учдан икки қисми ҳозир бўлса, ваколатли ҳисобланади.

12. Комиссиянинг навбатдаги мажлиси тўғрисида унинг раиси комиссия аъзоларига ёзма равишда, қоида тарикасида, камида икки кун олдин, шунингдек мажлиснинг бошқа иштирокчиларини олдиндан хабардор этади.

13. Комиссиянинг қарорлари мажлисда қатнашган комиссия аъзоларининг кўпчилик овози билан қабул қилинади. Овозлар тенг бўлган ҳолатда комиссия раисининг овози ҳал қилувчи овоз ҳисобланади.

Комиссиянинг қарорлари комиссия раиси томонидан имзоланади.

14. Комиссия раиси:

- комиссия ишини ташкил этади;
- комиссия мажлисларини чақиради ва ўтказади;
- комиссия аъзоларига топшириқлар беради;

Санитария - эпидемиология бошқармасининг таркибий бўлинмалари, бошқа давлат органлар ва ташкилотлар, мансабдор шахслар ва жамоатчилик билан бўлган муносабатларда комиссия номидан иш юритади;

Комиссия мажлисларида комиссия фаолияти тўғрисидаги ахборот билан сўзга чиқади; ҳар йили раҳбарга комиссия фаолияти тўғрисида ҳисобот тақдим этади.

15. Комиссия котиби:

-комиссиянинг фаолиятини ташкилий-техник жиҳатдан таъминлаш масалаларини ҳал қилади;

-комиссиянинг навбатдаги мажлисига барча зарур материаллар ўз вақтида тайёрланишини таъминлайди, Санитария - эпидемиология бошқармаси ходимларидан зарур ҳужжатлар ва маълумотларни сўраб олади;

-кун тартибига мувофиқ комиссия мажлислари ўтказилишини ташкил этади;

-комиссия аъзоларини ва таклиф этилган шахсларни комиссия мажлиси ўтказиладиган жой, сана ва вақт ҳамда кун тартибига киритилган масалалар ҳақида хабардор қилади;

-комиссия мажлисининг баённомасини расмийлаштиради ва тасдиқланган баённомани манфаатдор шахсларга жўнатилишини таъминлайди.

16. Комиссия аъзоси:

-комиссия томонидан кўриб чиқиладиган барча масалалар бўйича овоз беришга;
-комиссияни кўриб чиқиши учун масалалар ва таклифлар киритишга;
-қарорлар тайёрланишида, муҳокамасида, қабул қилинишида, шунингдек уларнинг амалга оширилишини ташкил этишда ҳамда бажарилишини назорат қилишда иштирок этади;
-кўриб чиқиладиган масалага доир хужжатлар, маълумотномалар ва бошқа зарур ахборот билан танишишга;

-комиссия қарорига рози бўлмаган тақдирда ўз фикрини баён этишга ҳақли.

17. Комиссия аъзоси комиссия мажлисида ҳозир бўлиш имкони бўлмаганда Комиссия раисини олдиндан хабардор этиши лозим.

18. Комиссия мажлисида кўриладиган масалалар комиссия раиси, котиби ва аъзоларига бевосита ёки билвосита боғлиқ бўлган тақдирда ўзини ўзи рад қилиши шарт.

4.6.6. Санитария-эпидемиология бошқармаси ходимлари томонидан одоб-ахлоқ қоидалари бузилишини олдини олиш (профилактика) чораларини кўриш

19. Комиссия инсон ресурсларини бошқариш бўлинмалари билан биргаликда мунтазам равишда ходимлар томонидан одоб-ахлоқ қоидаларига риоя этилиши ва уларнинг бузилишини олдини олишга қаратилган қўйидагиларни назарда тутувчи профилактик комплекс чора-тадбирларни амалга оширади:

санитария - эпидемиология бошқармаси ходимларида юксак касбий маданиятни, жамоада оғлом маънавий муҳит ва ишчан кайфиятни шакллантириш;

санитария - эпидемиология бошқармаси ходимларини "ҳалоллик вакцинаси" билан эмлаш, тўғри ҳалолликни уларнинг онгига синдириш, маърифат орқали уларда коррупцияга қарши мurosасиз муносабатда бўлиш кайфиятини шакллантириш;

санитария-эпидемиология бошқармаси ходимлари орасида таниқли зиёлилар, ижодкорлар, маънавият ва маърифат соҳасининг кўзга қурунган намоёндалари, ўз соҳасида юксак натижаларга эришган меҳнат фахрийларини жалб қилган ҳолда, учрашувлар ташкил қилиб бориш;

санитария-эпидемиология бошқармаси ходимларининг касбий ва бошқарув кўникмалари ўсишини, шунингдек уларнинг малакасини доимий равишда оширишни, улар томонидан одоб-ахлоқ қоидаларига риоя этишларини таъминлаш мақсадида уларнинг билимлари ва малакасини доимий такомиллаштириш ишларини амалга ошириш;

санитария - эпидемиология бошқармаси ходимларининг иқтисодий билимларини, ҳуқуқий саводхонлигини, ҳуқуқий маданияти ва ҳуқуқий онгини, интеллектуал ва маънавий ривожланишини ошириш мақсадида иқтисодий ва ҳуқуқий йўналишдаги ўқишларни ташкил этиш;

янги ишга қабул қилинган ходимларини одоб-ахлоқ қоидаларига қатъий риоя қилиш борасида стажировкадан ўтказиш ва улар-билан профилактик суҳбатлар ташкил қилиш;

санитария - эпидемиология бошқармаси ходимларини малака ошириш курсларига, халқаро семинарлар, конференциялар ва шу каби бошқа тадбирларга юбориш, улар томонидан ўз касбий даражаси ва ахлоқий сифатларини мустақил оширишлари учун шарт-шароит яратиб бериш.

20. Комиссия Санитария - эпидемиология бошқармаси ходимлари томонидан одоб-ахлоқ қоидаларини бузилишини олдини олиш (профилактика) борасидаги ўз фаолиятини комиссия томонидан тасдиқланган чораклик иш режалари асосида олиб боради.

21. Санитария - эпидемиология бошқармаси ходимлари томонидан одоб-ахлоқ қоидаларини бузилишини олдини олиш (профилактика) чоралари комиссия томонидан санитария-эпидемиология бошқармасининг тегишли таркибий бўлинмалари раҳбарлари ҳамда қасаба уюшмалари кўмиталари билан биргаликда ташкил этилади.

22. Санитария - эпидемиология бошқармаси ходимлари томонидан одоб-ахлоқ қоидаларини бузилишини олдини олиш (профилактика) чораларининг натижадорлиги йил якунилари бўйича ўтказиладиган комиссия йиғилишида муҳокама қилинади.

5.6.6. Санитария - эпидемиология бошқармаси ходимлари томонидан одоб-ахлоқ қоидаларининг бузилиши билан боғлиқ масалаларни кўриб чиқиш тартиби

23. Комиссия Санитария - эпидемиология бошқармаси ходимлари томонидан одоб-ахлоқ қоидаларининг бузилишлари билан боғлиқ масалаларни:

Санитария - эпидемиология бошқармаси раҳбарининг топшириғига кўра;
хуқуқни муҳофаза қилувчи органларнинг мурожаатларига асосан;

давлат хизматчиларнинг, шунингдек жисмоний ва юридик шахсларнинг мурожаатларига
биноан ўз ташаббуси билан кўриб чиқади.

24. Комиссия мажлисига, ҳақиқий ҳолатларни аниқлаш ва ҳолисона қарор қабул қилиш
мақсадида ўзига нисбатан масала кўриб чиқиладиган давлат хизматчиси, зарур бўлган ҳолларда эса,
мурожаат қилувчи ва бошқа шахслар таклиф этилади. Комиссия мажлисининг вақти ва жойи ҳақида
тегишли равишда хабардор этилган шахсларнинг келмаслиги мурожаатни кўриб чиқиш учун
монъелик қилмайди.

25. Комиссия мажлисида:

Кун тартибидаги масала ўқиб эшиттирилади;

Санитария - эпидемиология бошқармаси раҳбарининг топшириғи ёки ходимлар томонидан
одоб-ахлоқ қоидалари бузилганлиги тўғрисидаги мурожаат ўқиб эшиттирилади;

Одоб-ахлоқ қоидаларига риоя этмаганликда айбланаётган ходим ва мурожаатчиларнинг
тушунтиришлари эшитилади;

26. Санитария - эпидемиология бошқармаси ходими ўзининг ҳуқуқи, шаъни ва қадр-
қимматига, ишчанлик обрўсига даҳлдор мурожаат бўйича амалдаги қонун ҳужжатларига мувофиқ
ўзини ҳимоя қилишга, комиссияга зарур материаллар ҳамда бошқа ахборотларни тавдим этишга
ҳақлидирлар.

27. Мажлис якуни бўйича комиссия ходим хатти-ҳаракатларида одоб-ахлоқ қоидаларининг
бузилиши фактининг мавжудлиги ёхуд мавжуд эмаслиги тўғрисида қарор қабул қилади.

28. Одоб-ахлоқ қоидалари бузилганлиги ҳолати исботланган тақдирда комиссия томонидан
ходимга нисбатан қўйидаги ахлоқий таъсир чоралари қўлланилади:
огоҳлантириш;

ўзр сўраш ёки расмий ўзрнома келтиришни талаб қилиш;

санитария - эпидемиология бошқармаси жамоавий йиғилишларида танбех бериш.

29. Комиссия ходимга нисбатан интизомий таъсир чорасини қўллаш учун Санитария -
эпидемиология бошқармаси раҳбарига тақдимнома киритиши мумкин.

30. Комиссия томонидан қўйидаги мурожаатлар кўриб чиқилмайди:

Комиссияда олдин кўриб чиқилган мурожаат ва айнан шу мазмундаги такрор
мурожаатлар;

Аноним мурожаатлар;

Қонунда белгиланган бошқа талабларга мувофиқ бўлмаган мурожаатлар.

31. Комиссия қабул қилинган қарор ҳақида мурожаат қилувчига, ўзига нисбатан масала
кўриб чиқилган ходимга ва раҳбарга ёзма равишда маълум қилади.

32. Комиссия одоб-ахлоқ қоидалари СЭОваЖС бошқармаси раҳбари томонидан бузилган
тақдирда уларга нисбатан тегишли чора кўриш масаласи юзасидан таклифларни юқори турувчи
давлат органи ва ташкилоти раҳбарига юборади.

33. Комиссиянинг қарори устидан раҳбарга ёки судга шикоят қилиш мумкин.

34. Санитария - эпидемиология бошқармаси ходими томонидан одоб-ахлоқ қоидаларининг
бузилиши ҳақидаги мурожаат унинг ташаббусқори томонидан Комиссия қарори қабул қилингунинг
кадар қайтариб олиниши мумкин.

35. Тарафлар ярашган, шунингдек ходим ўз хоҳиши билан мурожаатчидан ошқора ўзр
сўраган ҳолларда, унга нисбатан таъсир чоралари қўлланилмаслиги мумкин;

**Санитария эпидемиологик осойишталик ва жамоат саломатлиги кўмитаси
Жиззах вилоят бошқармаси
ходимларининг одоб-ахлоқ
ҚОИДАЛАРИ**

1. Санитария-эпидемиологик осойишталик ва жамоат саломатлиги бошқармаси (кейинги ўринларда - Санитария-эпидемиология бошқармаси) ходимларининг одоб-ахлоқ қоидалари (кейинги ўринларда - Одоб-ахлоқ қоидалари) Санитария-эпидемиология бошқармаси ходимларининг касбий маданияти, хизмат фаолияти давомида ҳамда хизматдан ташқаридаги одоб-ахлоқи, ташқи кўриниши ва кийиниш услубининг намунавий қоидаларини белгилайди.

Одоб-ахлоқ қоидалари юксак касбий маданиятни шакллантириш, жамоатчилик оғида давлат хизматига бўлган ҳурмат ва ишончни ошириш ҳамда Санитария-эпидемиология бошқармаси ходимларининг ахлоқ қоидаларига зид бўлган хатти-харакатларнинг олдини олишга қаратилган.

2. Санитария-эпидемиология бошқармаси ходимлари ўз касбий фаолиятини қўйидаги принциплар асосида амалга оширишлари шарт:

Қонунийлик;

Ватанга садоқат ва хизмат вазифасига фидойилик, юкланган функционал вазифаларини тўлиқ бажариш, ижро интизомига қатъий риоя этиш;

фуқаролар ҳуқуқлари, эркинликлари ва қонуний манфаатларининг устуворлиги; давлат ва жамият манфаатларига содиқлик; адолатлилик, ҳалоллик ва ҳолислик;

коррупциявий ҳолатларга муросасиз муносабатда бўлиш ва қарши курашиш; хизмат сирини қатъий сақлаш; мансаб ваколатларини суистеъмол қилмаслик; манфаатлар тўқнашувига йўл қўймаслик.

3. Санитария-эпидемиология бошқармаси ходимлари меҳнат фаолиятлари давомида ва ишдан ташқари вақтда ҳуқ-атворининг қўйидаги умумий қоидаларига амал қилишлари лозим;

Санитария-эпидемиология бошқармасининг обрўсига путур етказиши мумкин бўлган хатти-харакатлардан тийилиш, ахлоқ нормаларига доимий риоя қилиш;

масъулият, касбига садоқат ва ҳалолликни кундалик шиорга айлантириш;

мураккаб вазифаларни бажаришда ҳамкасбларига қўмаклашиш;

хушмуомалалик, эътиборлилик ва хушёрлик билан фуқароларда давлатга нисбатан ишонч ва ҳурмат ҳиссини уйғотиш;

Оиласида соғлом муҳитни таъминлаб, оила-аъзоларига доимий ғамхўр бўлиш, фарзандларида ватанпарварлик ва бошқа юксак ахлоқий фазилатларни шакллантириш;

фуқароларнинг ижтимоий келиб чиқиши, иқтисодий аҳволи ва бошқа омиллардан қатъий назар, улар билан бир ҳил, самимий, одоб доирасида муносабатда бўлиш; жамиятда ахлоқнинг умумэтироф этилган қоидаларига амал қилиш.

4. Санитария-эпидемиология бошқармаси ходимлари ўз ваколатларини амалга ошираётганда Ўзбекистон Республикасининг Конституцияси ва қонунларига, "Давлат фуқаролар хизмати тўғрисида"ги Ўзбекистон Республикасининг қонунига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамасининг қарорлари ва фармойишларига, ушбу одоб-ахлоқ қоидаларига ва бошқа қонунчилик ҳужжатларига амал қилади.

5. Санитария-эпидемиология бошқармаси ходимларининг одоб-ахлоқ қоидаларига риоя қилиш мажбуриятига, фуқаролар эса давлат хизматчиларидан мазкур қоидаларга мос бўлган касбий маданиятни талаб қилиш ҳуқуқига эга.

6. Санитария-эпидемиология хизмати ходимларининг одоб-ахлоқ қоидаларига риоя этиш.

тарнинг фаолияти ҳамда хизматдаги ахлоқини баҳолашнинг асосий мезонларидан бири ҳисобланади.
Санитария-эпидемиология бошқармаси ходимлари томонидан одоб-ахлоқ қондаларига қилиниши ҳолати уларни келгусида юқори лавозимларга тайинлаш ва раҳбар кадрлар захирага шакллантиришда ҳисобга олинади.

2-боб. Касбий маданиятга оид умумий одоб-ахлоқ қондалари

7. Санитария-эпидемиология бошқармаси ходимлари:

фуқароларнинг жинси, ирки, миллати, фуқаролиги, тили, дини, ижтимоий келиб чиқиши, эътиқоди, шахсий ва ижтимоий мавқеининг камситилишига олиб келувчи таъсир чоралари ва ҳаракатлар (ҳаракатсизлик)га йўл қўймаслиги;

ҳалол, адолатли ва камтар бўлиши, фуқаролар билан мулоқотда хушмуомала, вазмин ва самимий муносабатни намойиш қилиши;

жисмоний ва юридик шахсларнинг ҳуқуқлари ва қонуний манфаатларига дахлдор қарорларни қабул қилишда қонунийликни, адолатлиликни ва шаффофликни таъминлаши;

давлат ва жамият манфаатларига зарар етказувчи, давлат органлари ва ташкилотлари фаолияти самарадорлигини пасайтирадиган ҳаракатлар (ҳаракатсизлик)дан тийилиши;

ўзининг хатти-ҳаракати ва ахлоқи туфайли жамоатчиликнинг танқидига учрамаслиги; чораларини кўриши, танқид учун таъкибга йўл қўймаслиги, асосли ва конструктив танқиддан ўз фаолиятидаги камчиликлар ҳамда нуқсонларни бартараф этиш йўлида фойдаланиши;

давлат органлари ва ташкилотлари, давлат хизматчилари ва бошқа шахсларга ўз хизмат мавқеидан фойдаланган ҳолда шахсий масалалар юзасидан таъсир ўтказмаслиги;

ўз хизмат ваколатларини жисмоний ва юридик шахсларнинг манфаатларини кўзилаб бажариш ёки бажармаслик эвазига улардан бирон-бир мукофот, фойда ёки совғалар олмаслиги;

давлат мулкнинг бут сакланишини таъминлаши, ўзига ишониб топширилган давлат мулкидан фақат хизмат мақсадларида фойдаланиши;

хизмат интизомига қатъий риоя қилиши, иш вақтидан оқилона ва самарали фойдаланиши;

аҳолининг давлат хизматлари истеъмолчиси сифатидаги талабларига мувофиқ доимий равишда фаолият сифатини ошириб бориш чораларини кўриши;

қонун билан интизомий, маъмурий ва жиноий жавобгарлик назарда тутилган ҳуқуқбузарлик ва бошқа хатти-ҳаракатларга йўл қўймаслиги; касб этикаси ва ишчанлик услубига риоя этиши;

сиёсий партиялар, жамоат бирлашмалари ва бошқа нодавлат ташкилотлари манфаатлари йўлида хизмат мавқеи ва имкониятларидан фойдаланмаслиги керак.

8. Санитария-эпидемиология бошқармаси ходимлари ўзига бўйсунувчи ходимлардан устив меҳнат вазифасини бажараётган пайтида партия номидан сиёсий фаолият билан шугулланишни талаб қилиши, сиёсий партиялар, жамоат бирлашмалари ва бошқа нодавлат ташкилотлари фаолиятида иштирок этишга даъват этиши ёки мажбурлашига йўл қўйилмайди.

3-боб. Хизмат фаолиятига оид одоб-ахлоқ қондалари

9. Санитария-эпидемиология бошқармаси ходимлари хизмат фаолияти давомида кўйидагиларга мажбур:

Ўзбекистон Республикасининг Конституцияси, қонунлари ва бошқа қонунчилик ҳужжатларига сўзсиз риоя этиши;

мамлакат шаънини эъзозлаш, давлат сиёсатига содиқ бўлиш; ташки сиёсат соҳасида давлат манфаатларини қатъий ҳимоя қилиш; ўз хизмат вазифаларини виждонан, ҳалол ва юксак профессионал даражада бажариш, расмийчилик, сохтакорлик ва суистеъмолчиликка йўл қўймаслиги;

хизмат мажбуриятларини самарали бажариш учун зарур бўлган билим ва қуникмаларни доимий ошириш;

юқори давлат органлари ва ташкилотлари ҳамда мансабдор шахсларининг ўз ваколатлари

лирасида қабул қилган қарорлари ҳамда берилган топшириқларини ўз вақтида ва сифатли бажариш;
ишлаб чиқиладиган норматив-ҳуқуқий ва бошқа ҳужжатларга бирон-бир шахс, гуруҳ ёки идоралар манфаати нуқтаи назаридан ёндашмаслик ҳамда уларнинг манфаатлари ифода этилишига йўл қўймаслик;

ҳар қандай қонунбузилишига, айниқса, коррупция ҳолатларига қарши мурасасизлик билан курашиш;

хизмат сафарлари, назорат тадбирлари давомида меҳнат фаолияти билан боғлиқ бўлган ҳар қандай турдаги сарф-харажатларни бошқа шахслар ҳисобидан амалга оширмаслик;

давлат хизматчилари ёки бошқа шахслар томонидан жиноят ёки бошқа ҳуқуқбузарлик содир этишга ундовчи мурожаатлар ҳақида, шунингдек, ҳамкасблари томонидан содир этилган ёки тайёргарлик кўриладиган қонунбузилишлар ҳақида ўзининг раҳбарига зудлик билан маълум қилиш;

чет эл фуқаролари билан алоҳида белгиланган тартибга зид равишда бевосита ёки бошқа шахслар орқали мулоқотга киришмаслик;

ўз хизмат мажбуриятларини бажараётганда фуқаролар ва бошқа шахсларни камситмаслик, уларнинг таъсиридан сақланиш, фуқаролар ҳуқуқлари, мажбуриятлари ва қонуний манфаатларини ҳисобга олиш;

ўз хизмат мажбуриятларини виждонан бажаришга тўсқинлик қилиши мумкин бўлган хатти-ҳаракатлардан сақланиш;

давлат сири, қонун билан кўрикландиган ва хизматга оид бошқа маълумотларнинг ошкор этилмаслигини таъминлаш юзасидан барча чораларни кўриш, улардан қонунга зид равишда фойдаланмаслик;

ахборотларни тарқатиш қоидаларига риоя қилиш, интернет жаҳон ахборот тармоғи ва ахборот коммуникация воситаларидан фойдаланишда ахборот хавфсизлигини таъминлашнинг белгиланган тартибига амал қилиш;

бириктирилган хизмат компьютери ҳамда электрон ташувчилардаги хизматга оид маълумотларнинг хавфсиз сақланишини таъминлаш ва уларни бошқа шахсларга тарқатилишининг олдини олиш чораларини кўриш;

ижтимоий тармоқларда давлат органлари ва ташкилотлари ҳамда мансабдор шахслар фаолиятини муҳокама қилмаслик, ахлоққа зид ибораларни ишлатмаслик, мамлакатда амалда ошириладиган ислохотларга нисбатан одамларда ишончсизлик кайфиятини юзага келтириши мумкин бўлган материалларни жойлаштирмаслик;

фуқаролар ва ҳамкасбларининг шаъни ва кадр-қимматига доғ туширувчи маълумотлар, тухмат, иғво ва уйдирмаларни тарқатмаслик;

меҳнат ва ижро интизоми, ички тартиб қоидаларига, шунингдек, телефонда сўзлашиш ва кийиниш маданиятига қатъий риоя этиш;

ўзига ишониб топширилган мулкка ва молиявий маблағларга эҳтиёткорлик ва тежамкорлик билан муносабатда бўлиш;

жамоада соғлом маънавий муҳитни сақлаш чораларини кўриш;

жисмоний ва юридик шахсларнинг мурожаатларини қонунда белгиланган тартибда ҳамда муддатларда қонуний, асосли ва адолатли ҳал қилиш;

меҳнат жамоасида ишчанлик муҳитини шакллантириш ва уни мустаҳкамлашга кўмаклашиш;

меҳнат жамоасида ҳамкасбларининг шаъни ва кадр-қимматини обрўсизлантирадиган шахсий ва касбий фазилатларини муҳокама қилишдан тийилиши керак.

10. Раҳбарлар қўйидагиларга мажбур:

бўйсунувидаги давлат хизматчиларига профессионализм, ҳалоллик, ҳолислик ва адолатлиликда ўрнак бўлиш;

жамоада соғлом маънавий муҳит ва ишчан кайфиятни шакллантириш; санитария-эпидемиология бошқармаси ходимларини қонунга ҳилоф хатти-ҳаракатларини амалга оширишга ундамаслик ҳамда улардан бундай ҳаракатларни бажаришни талаб қилмаслик;

кадрларни маҳаллийчилик, уруғ-аймоқчилик, таниш-билишчилик ёки шахсий сарф-харажлар билан белгилари бўйича танлаш, тайинлаш ёки тавсия этишга йўл қўймаслик;

жамоада гуруҳбозлик ва фаворитизм (айрим ходимларни яқин олиш ва қўллаб-қувватлаш кўринишларига йўл қўймаслик, шунингдек, хизмат вазифаларини бажариш жараёнида бошқа салбий омилларнинг олдини олиш;

санитария-эпидемиология бошқармаси ходимларининг фаолиятига баҳо беришда қонуний асосли ва адолатли қарорлар қабул вилиш;

санитария-эпидемиология бошқармаси ходимлари томонидан коррупция ва бошқа суиистеъмолчиликлар содир этилишининг олдини олиш чораларини куриш;

бўйсунувдаги ходимларни ҳуқуқий ва ижтимоий жихатдан ҳимоя қилиш чораларини кўриш; ваколати доирасида шартномалар тузиш, танловлар ўтказиш ёки розилик бериш масалаларига ҳолис, адолатли ва қонуний ёндашиш.

11. Раҳбарлар бўйсунувдаги давлат хизматчиларига қўпол муомалада бўлиши, ҳақорат қилиши, шахсиятига тегиши, уларга асоссиз танбەҳ бериши ёки айблаши ҳамда камситиши мумкин эмас.

4.606. Хизматдан ташқари одоб-ахлоқ қоидалари

12. Санитария-эпидемиология бошқармаси ходимлари ишдан бўш вақтларида умумқабул қилинган ахлоқ нормаларига риоя қилишлари ва уларга зид бўлган ҳуқ-атвор ва хатти-ҳаракатларнинг ўзларини тийишлари шарт.

13. Санитария-эпидемиология бошқармаси ходимлари ишдан ташқари вақтда қўйидагиларга мажбур:

миллий урф-одат, кадрият ва анъаналарга ҳурмат билан муносабатда бўлиш; дабдабабозлик, шухратпарастлик, гуруҳбозлик, маишатбозлик, ичкиликбозлик ва бошқа салбий иллатларга йўл қўймаслик;

расмий эълон қилинган маълумотлардан ташқари давлат хизмати фаолиятига оид масалаларни муҳокама қилмаслик;

жамоат жойларида (кафе, ресторан ва бошқа кўнгилочар масканларда) ўзини тутиш қоидаларига риоя этиш, атрофдагиларнинг эътиборини тортувчи ортиқча ва салбий ҳаракатларга йўл қўймаслик;

жамоат тартиби ва ҳавфсизлигига қарши қаратилган хатти-ҳаракатларни содир этмаслик, мазкур ноқонуний ҳаракатларга бошқаларни жалб этмаслик ёки даъват қилмаслик;

хизмат мажбуриятларини бажариш билан боғлиқ бўлган идора ва ташкилотлар раҳбар ва ходимлардан, бошқа мансабдор шахслардан қимматбаҳо совға олмаслик;

хизмат гувоҳномаларини сақлаш ва фойдаланиш тартибига қатъий риоя этиш, уларни хизматга алоқадор бўлмаган ҳолатларда фойдаланмаслик шу жумладан, ваколатли шахсларга хизмат гувоҳномасини кўрсатиб, мавқеини суиистеъмол қилмаслик;

хизмат автотранспорт воситаларидан хизмат фаолиятидан ташқари ҳолатларда шахсий ва бошқа мақсадларда фойдаланмаслик;

иш фаолияти билан боғлиқ маълумотларни ишга алоқадор бўлмаган бошқа шахслар иштирокида муҳокама қилмаслик;

шахсий транспорт воситаларидан фойдаланишда белгиланган тартибга амал қилиш, йўл ҳаракати қоидаларига қатъий риоя этиш;

тадбиркорлик ёки ҳақ тўланадиган бошқа фаолият билан (педагогик, илмий ва ижтимоий фаолиятдан ташқари) шуғулланмаслик, Ўзбекистон Республикаси қонунлари ва Ўзбекистон Республикаси Президенти қарорларида назарда тутилган ҳолатлар бундан мустасно;

ўзи фаолият юритган давлат органлари ва ташкилотлари ҳамда давлат хизматида иш туширувчи хатти-ҳаракатлардан тийилиш;

ташки кўринишини белгиланган меъёрлар доирасида сақлаш, камтарона кийиниш, атрофдагиларнинг эътиборини ўзига ортиқча жалб қиладиган тарзда кийинмаслик.

5.606. Жамоатчилик, оммавий ахборот воситалари вакиллари билан муносабатларга оид одоб-ахлоқ қоидалари

14. Санитария-эпидемиология бошқармаси ходимлари оммавий ахборот воситалари билан ўзаро ҳамкорлик қилиши, давлат органлари ва ташкилотларининг фаолиятини оммавий ахборот воситаларида ёритилишига қўмаклашиши керак.

15. Давлат сиёсати ёки давлат органлари ва ташкилотлари фаолияти тўғрисидаги оммавий баёнотлар давлат органлари ва ташкилотлари раҳбари ёки мазкур йўналиш бўйича вазирлик мансабдор шахс томонидан амалга оширилади.

16. Қўйидаги ҳолларда оммавий баёнот берилиши мумкин эмас:
оммавий баёнот матни ва мазмуни давлат сиёсати ёки давлат органлари ва ташкилотлари фаолиятига алоқадор бўлмаса;

оммавий баёнотда келтириладиган ахборотлар давлат сирлари билан боғлиқ бўлса; оммавий баёнот бошқа давлат органлари ва ташкилотлари нуфузини пасайтириш ёки уларнинг мансабдор шахсларини камситишга йўналтирилган бўлса.

17. Санитария-эпидемиология бошқармасида жамоатчилик назоратини таъминлаш мақсадида жамоатчилик томонидан давлат органлари ва ташкилотлари фаолиятига оид айблов ёки танқид билдирилган тақдирда, давлат органлари ва ташкилотлари унга нисбатан билдирилган айблов ёки танқидга оммавий изоҳ, ёхуд раддия бериши лозим.

18. Агар оммавий баёнотда фуқароларнинг шаъни ҳамда кадр-қимматини камситишнинг иборалар бўлса, давлат хизматчиси ўз фикрларининг янглишлиги ёки нотўғрилигини тан олиши ҳамда шаъни, кадр-қимматига ва ишчанлик обрўсига раҳна солган фуқародан, агар қонун ҳужжатларида бошқа оқибатлар назарда тутилмаган бўлса, кечирим сураши шарт.

6-боб. Хизмат фаолиятидаги ташқи кўриниш ва кийиниш услубига оид одоб-ахлоқ қоидалари

19. Санитария-эпидемиология бошқармаси ходимларининг хизмат фаолиятидаги ташқи кўриниши ва кийиниш услуби фуқароларнинг давлат органлари ва ташкилотлари фаолиятига ҳурматини, шу жумладан давлат хизматининг нуфузини оширишга хизмат қилиши керак.

20. Санитария-эпидемиология бошқармаси ходимларининг ташқи кўриниши меҳнат шaroитлари ва хизмат турига қараб, хизмат мажбуриятларини бажариши вақтида фуқароларнинг давлат ташкилотига нисбатан ҳурмат билан муносабатда бўлишига қўмаклашиши, умумий қабул қилинган иш услубига мувофиқ бўлиши ва расмийлик, ҳолислик, камтарлик ва интизомни намойиш этиши лозим.

21. Санитария-эпидемиология бошқармаси ходимларининг иш жойида ташқи кўриниши ва кийиниш услубига оид қўшимча талаблар идоравий одоб-ахлоқ қоидалари ҳамда ички меҳнат тартибида жамоа келишуви асосида белгиланиши мумкин.

7-боб. Манфаатлар тукнашуви

1. Санитария-эпидемиология бошқармаси ходимларининг мансаб ёки хизмат мажбуриятларини бажариш вақтида манфаатлар тукнашувига олиб келадиган ёки олиб келиши мумкин бўлган шахсий манфаатдорликка йўл қўймаслиги керак.

2. Манфаатлар тукнашуви юзага келган тақдирда ходимлар ўзининг раҳбарини дарҳол хабардор қилиши шарт.

Манфаатлар тукнашуви мавжудлиги тўғрисида маълумотлар олган раҳбар бу тукнашувнинг олдини олиш ёки уни бартараф этиш юзасидан ўз вақтида чоралар кўришга мажбур.

8-боб. Санитария-эпидемиология бошқармаси ходимларининг манфаатларини химоя қилиш

3. Санитария-эпидемиология бошқармаси ходимларини хизмат вазифаларини бажариш билан боғлиқ таҳдид, ҳақорат, тўхмат ва қонунга ҳилоф бошқа ҳатти-ҳаракатлардан химоя қилиш давлат органлари ва ташкилотларининг раҳбари томонидан амалга оширилади.

4. Зиммасига юклатилган вазифаларни бажаришга тўсқинлик қилиш, жиноят ёки бошқа ҳуқуқбузарлик содир этишга оғдиришга қаратилган мурожаатлар, шунингдек, ҳамкасблари томонидан содир этилган ёки содир этишга тайёргарлик кўрилатган қонунбузилишлар ҳақида хабар бериш ходимларни вужудга келиши мумкин бўлган таҳдид ва ҳавф-хатарлардан химоя қилиш чоралари кўрилади.

9-боб. Одоб-ахлоқ қоидаларига риоя этилишини назорат қилиш

5. Санитария-эпидемиология бошқармаси ходимлари томонидан одоб-ахлоқ қоидаларига риоя этилиши ўстидан назорат давлат органлари ва ташкилотларининг инсон ресурсларини бошқариш бўлинмалари ёки одоб-ахлоқ комиссиялари, шунингдек махсус ваколатли давлат органи томонидан амалга оширилади.

6. Санитария-эпидемиология бошқармаси ходимлари лавозимга тайинланган даври хизматчилари инсон ресурсларини бошқариш бўлинмалари томонидан мазкур одоб-ахлоқ қоидаларига билан тилхат асосида имзо қўйдирган ҳолда таништирилади.

7. Мазкур одоб-ахлоқ қоидаларини бузиш ҳолатлари бўйича хизмат текшируви давлат органлари ва ташкилотлари раҳбарининг кўрсатмасига мувофиқ одоб-ахлоқ комиссиялари томонидан ўтказилади.

Хизмат текширувини ўтказиш тартиби давлат органлари ва ташкилотлари томонидан белгиланади.

10-боб. Одоб-ахлоқ қоидаларига риоя этмаганлик учун жавобгарлик

8. Санитария-эпидемиология бошқармаси ходимлари томонидан одоб-ахлоқ қоидаларига риоя этмаганлик ҳолати уларга нисбатан ахлоқий ва интизомий таъсир чораларини қўллаш учун асос бўлади.

9. Одоб-ахлоқ қоидаларига риоя этмаганлик учун одоб-ахлоқ комиссияси томонидан давлат хизматчиларига қўйидаги ахлоқий таъсир чоралари қўлланилади:

огоҳлантириш;

узр сўраш ёки расмий узрнома келтиришни талаб қилиш;

Санитария-эпидемиология бошқармасининг жамоавий йиғилишларида танбех бериш.

10. Одоб-ахлоқ комиссияси давлат хизматчисига нисбатан интизомий таъсир чоралари қўллаш учун давлат органлари ва ташкилотлари раҳбарига тақдимнома киритиши мумкин.

Одоб-ахлоқ қоидалари раҳбар томонидан бузилган тақдирда, одоб-ахлоқ комиссияси раҳбари нисбатан тегишли чора куўриш масаласи юзасидан таклифларни юқори турувчи давлат органи ва ташкилот раҳбарига юборади.

11. Санитария-эпидемиология бошқармаси ходимларининг одоб-ахлоқ қоидаларини бузиш уларни қонунга мувофиқ интизомий ва бошқа жавобгарликка тортиш учун асос бўлади.

11-боб. Яқуний қоида

12. Мазкур низомнинг ижросини таъминламаган жавобгар шахслар қонунда белгиланган тартибда жавобгарликка тортилади.

Одоб-ахлоқ комиссияси
тўғрисидаги низомга
илова

Одоб-ахлоқ комиссияси фаолиятини ташкил қилиш ва давлат хизматчилари томонидан
одоб- ахлоқ қоидаларининг бузилиши билан боғлиқ масалаларини кўриб чиқиш
СХЕМАСИ

Боскичлар	Субъектлар	Тадбирлар	Ижро муддати
I. Комиссия фаолиятини ташкил этиш			
1-боскич	Ташкил от рахбари	1.СЭОваЖС бошқармасида Одоб-ахлоқ комиссиясини (кийинги ўринларда - Комиссия) Комиссия раиси, котиби ва аъзоларидан иборат таркибда, умумий сони камида беш нафардан кам бўлмаган миқдорда тоқ сонда шакллантириш. 2. Комиссия таркибига тажрибали, меҳнат жамоасида обрў-эътиборга сазовор бўлган давлат хизматчиларини киритиш. 3. Комиссия таркибини тасдиқлаш. 4. Комиссия таркибига комиссия томонидан қабул қилинадиган қарорларга таъсир кўрсатиш мумкин бўлган манфаатлар тўқнашуви эҳтимолини назарда тутган ҳолда ўзгартириш киритилади.	Икки ҳафта муддатда Заруратга кўра
2-боскич	Комиссия раиси	Комиссия ишини ташкил этади, комиссия мажлисларини чақиради ва ўтказиши мажлисга раислик қилади. Комиссия номидан иш юритади, Комиссия мажлисларида Комиссия фаолияти тўғрисидаги ахборот билан сўзга чиқади. Ташкилот раҳбарига Комиссия фаолияти тўғрисида ҳисобот тақдим этади. Кун тартибига мувофиқ Комиссия мажлислари ўтказилишини ташкил этади. Комиссиянинг аъзоларини ва таклиф этилган шахсларни Комиссия мажлиси ўтказиладиган жой, сана ва вақт ҳамда кун тартибига киритилган масалалар ҳақида хабардор қилади. Комиссиянинг фаолиятини ташкилий-техник жиҳатдан таъминлаш масалаларини ҳал қилади, навбатдаги мажлисига барча зарур материаллар ўз вақтида тайёрлайди. Комиссия мажлисининг баённомасини расмийлаштиради ва тасдиқланган баённоманинг манфаатдор шахсларга жўнатилишини таъминлайди.	Маълумотлар киритилган вақтдан бошлаб Ҳар йили йил якуни бўйича Мажлисида н камида 2 кун олдин Мажлисида н камида 1 кун олдин

II. Одоб-ахлоқ қоидаларини бузилишининг олдини олиш (профилактика) чораларини кўриш

III. Одоб-ахлоқ қоидаларининг бузилиши билан боғлиқ масалаларни кўриб чиқиш

1-босқич	Комиссия	Комиссия мунтазам равишда Санитария -	Комиссия
1-босқич	Комиссия	Комиссия Санитария - эпидемиология бошқармаси ходимларининг одоб-ахлоқ қоидаларини бузилишлари билан боғлиқ масалаларни: Ташкилот раҳбарининг топширигига кўра; ҳуқуқий муҳофаза қилувчи органиларнинг мурожаатига асосан; Санитария - эпидемиология бошқармаси ходимларининг, шунингдек жисмоний ва юридик шахсларнинг мурожаатларига биноан ўз ташаббуси билан кўриб чиқади.	Заруратга кўра
2-босқич	Комиссия раиси ва аъзолари Ходим хизматчи	Комиссия мажлисида: кун тартибидаги масала ўқиб эшиттирилади; ташкилот раҳбарининг топшириғи ёки Санитария - эпидемиология бошқармаси ходимлари томонидан одоб-ахлоқ қоидалари бузилганлиги тўғрисидаги мурожаат ўқиб эшиттирилади; одоб-ахлоқ қоидаларига риоя этмаганликда айбланаётган Санитария - эпидемиология бошқармаси ходимлари ва мурожаатчилар тушунтиришлари эшитилади. Ўзининг ҳуқуқи, шаъни ва қадр-қимматига, ишчанлик обрўсига салбий таъсир қиладиган мурожаат бўйича амалдаги қонун ҳужжатларига мувофиқ ўзини ҳимоя қилишга, Комиссия зарур материаллар ҳамда бошқа ахборотларни тақдим этишга ҳақли.	Мажлис ўтказилган кун
3-босқич	Комиссия	1. Мажлис якуни бўйича Санитария - эпидемиология бошқармаси ходимларининг ҳаракатларида одоб-ахлоқ қоидаларининг бузилиши фактининг мавжудлигини ёхуд мавжуд эмаслиги тўғрисида қарор қабул қилади. 2. Одоб-ахлоқ қоидалари бузилганлиги факти аниқланган тақдирда Санитария - эпидемиология бошқармаси ходимларига қўйидаги ахлоқий таъсир чораларини қўллайди: огохлантириш; узр сўраш ёки расмий узрнома келтиришни талаб қилиш; Санитария - эпидемиология бошқармасининг кенгайтирилган мажлисида танбех бериш. 3. Санитария - эпидемиология бошқармаси ходимларига нисбатан интизомий таъсир чорасини қўллаш учун ташкилот раҳбарига тақдимнома киритиши мумкин. 4. Қабул қилинган қарор ҳақида мурожаат қилувчига, ўзига нисбатан масала кўриб чиқилган Санитария-эпидемиология бошқармаси раҳбарига ёзма равишда маълум қилади.	Мажлис ўтказилган кун
4-босқич	Комиссия	Одоб-ахлоқ қоидалари ташкилот раҳбари томонидан бузилган тақдирда уларга нисбатан тегишли чора кўриш масаласи юзасидан тақлифларни юқори турувчи давлат органи ва ташкилот раҳбарига юборади.	Заруратга кўра
5-босқич	Ходим-хизматчи	Комиссиянинг қарори устидан ташкилот раҳбарига ёки судга шикоят қилиш мумкин.	Заруратга кўра
		қилади.	